

San eagraan seo:

- Dèanamh deiseil airson S1
- Ath-shuidhe dheuchainn san Lùnastal
- Dreuchdan Brightspace
- Ruigsinneachd air na h-aonadan is modalan Brightspace agad
- Duilleagan-lìn nan oileanach
- Buannachd luath

Fàilte gun chiad eagraan de Naidheachdan Brightspace

Seo a’ chiad eagraan de litir-naidheachd a chumas na naidheachdan as ùire ribh mun eadar-ghluasad bho Blackboard gu Brightspace, an àrainneachd ionnsachaidh ùr againn. Na dèan dàil, dèan deiseil airson seimeastar a h-aon an-dràsta!



Ag ullachadh airson seimeastar a h-aon

Mura d’ fhuair thu tìde airson tòiseachadh ann am Brightspace fhathast, seo an t-àite airson tòiseachadh: www.uhi.ac.uk/brightspace4staff.



Tagraidhean ath-shuidhe an Lùnastail

Bidh na pìosan-obrach ath-shuidhe bho dheuchainn an Ògmhios is na bùird adhartais, a bhiodh gu h-àbhaisteach air an cur a-steach ann am Blackboard, air an cur a-steach ann am Brightspace. Thèid spàsan obrach ainmichte le teamplaid shimplidh a chur an-àird san Ògmhios do gach modal is aonad aig a bheil oileanaich ath-shuidhe. Gheibh òraidichean làn stiùireadh mu mhion-fhiosrachadh obrach a luchdachadh suas agus ceartachadh a ghabhail os làimh. Gheibh oileanaich stiùireadh air pìosan-obrach a chur a-steach ann am Brightspace agus stuthan ionnsachaidh a luchdachadh sìos bho Blackboard. Feumaidh luchdachaidhean a-nuas tachairt ro 31 Iuchar nuair nach bi Blackboard ri fhaotainn às dèidh sin. Bidh Turnitin ri fhaotainn airson modalan is aonadan ath-shuidhe HE uile. Bu chòir do luchd-cleachdaidh Safe Assign post-d a chur gu edu@uhi.ac.uk airson comhairle.

www.uhi.ac.uk/brightspace4staff

www.uhi.ac.uk/brightspace4students

Buannachdan luath: Iorgair ceangal briste

Tha am fuincsean ‘Ceanglaichean Briste’ ann am Brightspace na dhòigh luath air sgrùdadh a bheil na ceanglaichean uile ag obair. Sa bhàr-stiùiridh agad, fosgail am menu teàrnach fo Innealan Cùrsa>Rianachd Cùrsa> fuincsean ‘Ceanglaichean Briste’. Suidhich na paramadairean sgrùdaidh aig mullach na duilleig agus cliog air cuir-an-gnìomh. Chì thu a-nis ceanglaichean briste sam bith a dh’fhaodadh a bhith an lùib a’ chùrsa agad agus gheibh thu air an càradh san raon shusbaint. Math airson an t-susbaint imrichte agad a sgrùdadh.



Ruigsinneachd air na h-aonadan is modalan Brightspace agad

Ma tha thu air cothrom iarraidh gu sligean falamh no imrichte, bu chòir dhut a-nis a bhith comasach air am faicinn tro dhuilleag-dachaigh Brightspace. Log a-steach an-dràsta agus dèan sgrùdadh. Mura faic thu an fheadhainn a dh’iarr thu uile, tog tiogaid choitcheann Deasg Seirbheis Brightspace. Mura h-eil thu air cothrom iarraidh fhathast, feumaidh tu sin a dhèanamh sa bhad a’ cleachdadh [Brightspace access or migration request tickets](#)

Dreuchdan Brightspace

Is e aon de fheartan Brightspace comas air dreuchdan cleachdaidh a mhìneachadh agus ceadan sònraichte a riarachadh. Bidh dreuchd ‘Stiùiriche’ aig Stiùirichean Mhodalan ceum uile. Ann an raointean phrògraman, bidh dreuchd ‘Stiùiriche’ aig an Stiùiriche Prògram. Bidh dreuchd ‘Òraidiche’ aig an luchd-teagaisg uile a tha a’ teagasg a’ mhodail ach aig nach eil uallach airson a’ mhodail no cùrsa. Tha ceadan an Stiùiriche agus an Òraidiche co-ionann ach a-mhàin gu bheil comas aig an Stiùiriche a’ bhratach atharrachadh. Seo tuairisgeul goirid mu chuid de na dreuchdan – bidh dreuchdan eile air an cruthachadh mar a bhios feum orra; m.e. tha sinn ag obair air dreuchd sgrùdaiche bhon taobh a-muigh.



- **Cuidiche teagaisg:** pàirt den sgioba teagaisg ann an dreuchd taic. Tha na h-aon cheadan aca ri Òraidichean ach cuidichidh an t-eadar-dhealachadh sinn ann an rianachd agus conaltradh a thaobh chùisean co-cheangailte ri Aonadan, Modalan agus Cùrsaichean.
- **Ceartaiche:** a thuilleadh air an sgioba teagaisg. Còraichean air susbaint a-mhàin fhaicinn. Cothrom air obair oileanaich is innealan rangachaidh. Comasach air comharran is beachdan a chur ris. Tha seo airson dàrna cheartaichean agus luchd-dearbhadh air an taobh a-staigh.
- **Leabharlannaiche:** ag obair le Stiùirichean Phrògraman, tha ruigsinneachd aca do spàsan phrògraman buntainneach airson dleastanasan leabharlainn.
- **Aoigh (leugh a-mhàin):** cothrom leughaidh a-mhàin air aonad/modal. Chan eil ruigsinneachd gu dàta oileanaich. Airson PATS, rannsaichean foghlaim, roinn deagh chleachdadh, ath-sgrùdadh chomhaoisean no eòlas air a’ mhodail. Chan eil cothrom air raointean rangachaidh agus ceartachaidh.



Duilleagan-lìn oileanaich Brightspace

Tha iomairt adhartachaidh ann an gnìomh gus a dhèanamh cinnteach gum bi eadar-ghluasad gun strì bho Blackboard gu Brightspace. Thathar a’ brosnachadh oileanaich gu cothrom a ghabhail air duilleagan-lìn oileanaich airson an fhiosrachaidh as ùire.